

**POU BANN VIKTIM VIOLANS
DOMESTIK**

KOUMA PROTEZ OU ?

KOLEKTIF DRWA IMIN

Si ou enn adilt, ki viktim violans fizik, psikolojik ou sexiel dan ou lakaz:

Si posib, **ANFERM OU DAN ENN LANDRWA AVEK OU BANN ZANFAN**, si ou ena e avek enn telefonn.

APEL A LED



bann vwazin



lapolis

208 00 34
208 00 35
148



FWPU Ministère
de l'Égalité des
genres et du Bien-
Etre de la Famille:

139

SI OU LAVI AN DANZE, SOVE ALE. Al dan enn stasion lapolis ki pli pre avek ou si posib. Laba, ou pou kapav demann led ek fer bann demars pou demann enn Protection Order. Ena ousi bann shelters ki kapav akeyir ou an irzans:

SOS Femmes. Tel: **233-3054**

Gender Links- Safe Haven Halfway

Home. Tel: **434-0720 | 5 770-9846**

Chrysalide. Tel: **452-5509**



Bizin sey otan ki posib **DIMINIE LALKOL DAN LAKAZ.**



SI OU LAVI AN DANZE, OU BIZIN SOVE. AL DAN ENN STASION LAPOLIS KI PLI PRE AVEK OU SI POSIB. LABA, OU POU KAPAV DEMANN LED EK FER BANN DEMARS POU DEMANN ENN PROTECTION ORDER.



SEY PARTAZ SEKI OU PE VIV EK RESANTI AVEK BANN KAMARAD, fami ou bann psikolog/counsellor/terapet an ki ou ena konfians; ki pou ekout ou san zize. Kan ou resevwar enn lekout kouma bizin, ou santi ou soulaze. Pa ezite pou demann led. Apel lalign asistans 139 oubien bann psikolog/counsellor/terapet ki ena zot konsiltasion.



Dan enn moman kalm, sey **DIR OU PARTNER KI OU RESANTI DAN FON OU LEKER.** **SEY DIR LI**, ki mem si ou kontan li, li bizin aprann enn lot manier exprim li. Li kapav demann enn led psikolojik pou sa. Li inportan.



Si ou pena travay, sey rod enn travay. Li inportan ki ou **SEY GAGN ENN LOTONOMI FINANSIE.**



ZAME PA BLIYE KI OU ENA ENN VALER ANTAN KI DIMOUNN, ki ou merit respe, lamour ek konsiderasion. Gagn bate, imilie, maltrete, viole fer bien soufer sa. Li pa normal sa e li ilegal.



Organiz ou prop sekirite pandan bann moman kalm. Fer enn lalis dimounn ki kapav ed ou e azout zot nimero telefonn. Ekrir tousala kitpar oubien gard li dan ou latet.

ENN LEXANP

Enn dimounn ki pou kapav ed mwa, so nimero telefonn, nou kod sekre, gard kas pou..., nimero telefonn stasion lapolis ki pli pre ar ou ek zot hotline, nimero telefonn enn taxi ou enn transpor si bizin.

TOU VIOLANS ANT PARTNER ENA KONSEKANS LOR BANN DIMOUNN VIKTIM ME OUSI LOR BANN ZANFAN KI TEMWIN DAPRE BANN RESERS KI FINN FER.

Serten sintom ki kapav observe kot bann zanfan ki temwin violans ant partner: santiman langwas, laper, latristes, lakoler, enn lestim de zotmem ki frazil, travay lekol bese, difikilte pou kominik bien, risk delinkans kan zot adolesan, ek sirtou risk ki zot aprann reproduir violans plito ki trouv bann solision adapte ek efikas pou exprim zot. Parfwa, sa bann zanfan-la pa ariv montre seki zot resanti ek zot ranferm zot, ena bann konportman agresif, etc. Bizin rest vizilan.

PRAN SWIN DE OU, SI OU VIKTIM VIOLANS. OU ENA VALER!

KOLEKTIF DRWA IMIN

Promouvoir l'égalité et la protection pour tous.tes, particulièrement les femmes, enfants et les personnes LGBTQI.